



Kakanj, 29.09. 2017. godine.
Broj: 01/D-01-43- 13605 /17

Na osnovu člana 68. Statuta JP Elektroprivreda BiH d.d.- Sarajevo Zavisnog društva Rudnika mrkog uglja "Kakanj" d.o.o. Kakanj i Preporuke Komisije za javnu nabavku broj: 599-09/17 od 27.09.2017. godine po otvorenom postupku (OP: 21/17 - Sanacija klizišta u naselju Bare I faza), a u skladu sa članom 70. i 71. Zakona o javnim nabavkama („Sl. glasnik BiH“, broj 39/14), Direktor Društva mr.sci. Kasim Alajbegović, dipl.ing.maš., donio je

ODLUKU o izboru najpovoljnijeg ponuđača

Član 1.

Za najpovoljnijeg ponuđača za nabavku usluga – Sanacija klizišta u naselju Bare I faza, po provedenom otvorenom postupku OP: 21/17 izabran je sljedeći ponuđač:

Naziv / ime ponuđača		Ukupno ponuđena cijena bez PDV-a
1.	„TRGOŠPED“ d.o.o. Kakanj	789.998,65 KM

Član 2.

Odbijja se ponuda ponuđača „BBM-VAREŠ“ d.o.o. Vareš, dostavljena u postupku nabavke – Sanacija klizišta u naselju Bare I faza, a po obavještenju o nabavci broj: 967-1-2-799-3-85/17 od 14.07.2017. godine objavljena na portalu javnih nabavki, kao neprihvatljiva.

Član 3.

Prijedlog ugovora o nabavci dostavit će se na potpis izabranom ponuđaču „TRGOŠPED“ d.o.o. Kakanj po isteku roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 4.

Obavezuje se izabrani ponuđač iz člana 1. ove Odluke da u roku od 5 (pet) dana od dana prijema ove Odluke dostavi dokaze tražene tačkom 3.1. (član 45. Zakona o javnim nabavkama) tenderske dokumentacije.

Član 5.

Za izvršenje ove odluke zadužuje se i ovlašćuje Komercijalna služba ZD RMU „Kakanj“ d.o.o.-Kakanj.

Član 5.

Ova odluka objavit će se na web-stranici <http://www.rmukakanj.ba/> istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 6.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. Zakona o javnim nabavkama.

O b r a z l o ž e n j e

Postupak javne nabavke proveden je putem otvorenog postupka, a pokrenut je na osnovu Odluke o pokretanju postupka javne nabavke broj: 01/D-01-43-7784/17 od 16.06.2017.godine.

Procijenjena vrijednost javne nabavke bez PDV-a je 790.000,00 KM.

Obavijest o nabavci broj: 967-1-2-799-3-85/17 poslata je na objavu dana 14.07.2017. godine, a objavljena je na Portalu javnih nabavki dana 14.07.2017. godine.

Učesnik u postupku nabavke „BBM-VAREŠ“ d.o.o. Vareš nakon preuzimanja tenderske dokumentacije sa Portala javnih nabavki je izjavio žalbu na tendersku dokumentaciju broj: 2178/IS/AR/17 od 24.07.2017. godine. Po prijemu naprijed navedene žalbe, Ugovorni organ je dopisom broj: 481-07/17 od 26.07.2017. godine putem portala javnih nabavki obavijestio sve ponuđače o izjavljenoj žalbi, te da se predmetni postupka obustavlja do okončanja postupka pred Uredom za razmatranje žalbi. Termin predviđen za prijem i otvaranje ponuda se odlaže do okončanja postupka po žalbi.

O izjavljenim žalbenim navodima Ugovorni organ se izjasnio Izjašenjem broj: 01/D-01-43-11431/17 od 31.07.2017. godine i isto dostavio sa kompletnom dokumentacijom iz postupka nabavke drugostepenom organu Uredu za razmatranje žalbi BiH.

Ured za razmatranje žalbi je Zaključkom broj: JN2-03-07-1-801-8/17 od 30.08.2017. godine je žalbu žalitelja „BBM-VAREŠ“ d.o.o. Vareš odbacio kao neurednu.

Ugovorni organ je po prijemu Zaključka gornji broj i datum nastavio postupak nabavke, na način da je utvrdio novi rok za prijem i otvaranje ponuda koji je utvrđen za dan 18.09.2017. godine, gdje prijem ponuda utvrđen u 10,00 sati, a otvaranje ponuda u 11,00 sati u prostorijama Komercijalne službe.

O navedenom Ugovorni organ je sačinio Ispravku obavještenja o nabavci broj: 967-1-2-799-8-106/17 od 06.09.2017. godine, te je dopisom broj: 571-09/17 od 06.09.2017. godine obavijestio ponuđače putem Portala javnih nabavki o nastavku postupka javne nabavke.

Komisija za javnu nabavku je dana 27.09.2017. godine sačinila Zapisnik o ocjeni ponuda broj: 597-09/17 od 27.09.2017.godine i Preporuku o izboru najpovoljnijeg ponuđača broj: 599-09/17 od 27.09.2017. godine, u postupku javne nabavke usluga - Sanacija klizišta u naselju Bare I faza.

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda dvije (2).
- da su blagovremeno zaprimljene dvije (2) ponude.
- da nije bilo neblagovremeno zaprimljenih ponuda.
- da je ponuda ponuđača „TRGOŠPED“ d.o.o. Kakanj prihvatljiva.
- da je ponuda ponuđača „BBM-VAREŠ“ d.o.o. Vareš ocijenjena kao neprihvatljiva.

Ponuda ponuđača „BBM-VAREŠ“ d.o.o. Vareš je neprihvatljiva iz razloga:

Članom 58. Stav 1. tačka g) Zakona o javnim nabavkama (Sl. Glasnik BiH broj 39/14, 47/14) propisano je da ponuda mora sadržavati potpis podnosioca ponude ili ovlaštenog lica na osnovu punomoći koja u tom slučaju mora biti priložena u originalu ili ovjerenoj kopiji. Nadalje, članom 9. stav 2. tačka i) Uputstva za pripremu modela tenderske dokumentacije i ponuda (Sl. Glasnik BiH broj 90/14) propisano je da ponuda mora sadržavati datum zahtjeva za učešće/ponude, potpis i pečat ovlaštenog lica ponuđača.

Uvidom u ponudu ponuđača „BBM-VAREŠ“ d.o.o. Vareš na strani 2. ponude utvrđeno je da je dostavljen dokument pod nazivom punomoć broj: 2728/EO/17 od 14.09.2017. godine. Uvidom u sadržaj navedene punomoći utvrđeno je da je davalac punomoći Operta Ermin, čiji je potpis nečitak. Nadalje, pored imena i potpisa davaoca punomoći otisnut je pečat društva „BBM-VAREŠ“ d.o.o. Vareš. Pomenutom punomoći opunomoćuje se osoba Izudin Sjerotanović da: potpiše ponudbenu dokumentaciju za tender: 967-1-2-799-8-106/17, „Sanacija klizišta u naselju Bare I faza“; da u ime i

za račun Ponuđača „BBM-VAREŠ“ d.o.o. Vareš može pružirati sve neophodne radnje u ovom postupku do njegovog okončanja; da predstavlja Ponuđača „BBM-VAREŠ“ d.o.o. vareš u toku tenderskog postupka; i da je ovlaštena osoba za sve kontakte sa ugovornim organom.

Uvidom u dostavljeni Izvod iz sudskog registra broj: 043-0-RegZ-17-002321 od 25.08.2017. godine dostavljenog na stranama ponude 88 do 96 utvrđeno je da je osnivač, odnosno vlasnik ponuđača „BBM-VAREŠ“ d.o.o. Vareš društvo „BBM“ d.o.o. za građevinarstvo, rudarstvo, unutrašnju i spoljnu trgovinu Sarajevo. Također je utvrđeno da je lice koje je naprijed navedenom pounomći ovlašteno za potpisivanje ponude, lice ovlašteno za zastupanje subjekta upisa u unutrašnjem i vanjskom prometu Izudin Sjerotanović. Ovlašteno lice ponuđača Izudin Sjerotanović ima ograničenje ovlaštenja u unutrašnjem i vanjskotrgovinskom prometu za iznos veći od 20.000,00 KM za čije radnje i aktivnosti je potrebna pismena saglasnost zakonskog zastupnika osnivača „BBM“ d.o.o. Sarajevo, koja mora biti sastavni dio dokumenata, i to: ugovora, isprava i ostalih dokumentata koji predstavljaju preuzimanje obaveza u iznosu većem od 20.000,00 KM.

S obzirom na naprijed izneseno jasno i nedvosmisleno se može utvrditi da je vlasnik ponuđača pravno lice „BBM“ d.o.o. Sarajevo, a ne fizičko lice Ermin Operta. Ponuđač ovakvom formulacijom punomoći nije dokazao da je punomoć dobio od zakonskog zastupnika vlasnika, jer u ponudi nije dostavio dokaz dostavljenjem Izvoda iz sudskog registra ili nekog drugog dokumenta da je Ermin Operta ovlašteno lice za zastupanje društva „BBM“ d.o.o. Sarajevo, koje društvo, odnosno zakonski zastupnik ovog društva može dati punomoć koje se odnosi na raspolaganje sredstvima ponuđača u iznosu većem od 20.000,00 KM. Nadalje, dostavljena punomoć je ovjerena pečatom ponuđača „BBM-VAREŠ“ d.o.o. Vareš, a ne pečatom vlasnika ponuđača, odnosno pečatom društva „BBM“ d.o.o. Sarajevo.

Na osnovu svega naprijed navedenog, ponuda ponuđača „BBM-VAREŠ“ d.o.o. Vareš, je potpisana od strane lica koje nije ovlašteno za zastupanje i predstavljanje društva, s obzirom na ograničenje ovlaštenja definisano u Izvodu iz sudskog registra, niti je priložena punomoć valjana, jer ponuđač nije dokazao da je potpisnik, odnosno davalac punomoći zakonski zastupnik osnivača niti je ista ovjerena pečatom osnivača „BBM“ d.o.o. Sarajevo.

U skladu sa tačkom 4.1. Tenderske dokumentacije propisano je dostavljanje Obrasca Aneks 7A: Specifikacija prijevoznih jedinica kojim će se vršiti prijevoz. Zahtjevani obrazac su ponuđači bili dužni popuniti podacima navedenim u tebelarnom pregledu kako je naznačeno u Aneksu 7A. Uvidom u ponudu ponuđača „BBM-VAREŠ“ d.o.o. Vareš utvrđeno je da ovaj ponuđač nije popunio Aneks 7A sa svim zahtjevanim podacima, jer je propustio da u ovom obrascu navede marku ponuđenog vozila.

S obzirom na naprijed izneseno ponuda ponuđača „BBM-VAREŠ“ d.o.o. Vareš je ocjenjena kao neprihvatljiva.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjele ponude, shodno kriterijima iz Tenderske dokumentacije.

U postupku ocjene provedenog postupka, Direktor društva nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Ugovorni organ primjenjuje preferencijalni tretman domaćeg (preferencijalni tretman cijene) iz člana 67. Zakona o javnim nabavkama.

Preferencijalni tretman domaćeg primjenjivat će se u svrhu poređenja ponuda prema članu 67. Zakona o javnim nabavkama.

Prilikom računanja cijena iz ponuda u svrhu poređenja ponuda, cijena iz domaćih ponuda će biti umanjena za preferencijalni faktor u visini od 10%.

Dokazi koje dobavljači trebaju dostaviti ukoliko zadovoljavaju uslove za primjenu preferencijalnog tretmana domaćeg:

- Izjava ponuđača da je fizičko ili pravno lice sa sjedištem u BiH osnovano u skladu sa zakonima u BiH i da najmanje 50% radne snage koja će raditi na realizaciji ovog ugovora o nabavci usluga, su rezidenti Bosne i Hercegovine.

Ponudac „TRGOŠPED“ d.o.o. Kakanj zatražio je primjenu preferencijalnog tretmana domaćeg. Uvidom u ponudu ponuđača „TRGOŠPED“ d.o.o. Kakanj, utvrđeno je da je ponudac dostavio tražene dokaze, odnosno dostavio Izjavu ponuđača da je fizičko ili pravno lice sa sjedištem u BiH osnovano u skladu sa zakonima u BiH i da najmanje 50% radne snage koja će raditi na realizaciji ovog ugovora o nabavci usluga, su rezidenti Bosne i Hercegovine. Kako je ponudac ispunio uslove propisane tenderskom dokumentacijom, to će se na ponuđača u postupku obračuna cijena ponuda, a isključivo u svrhu poređenja ponuda primjeniti preferencijalni tretman domaćeg, te će se ukupna cijena ponude umanjiti za preferencijalni faktor od 10%.

Ponudac „BBM-VAREŠ“ d.o.o. Vareš zatražio je primjenu preferencijalnog tretmana domaćeg. Ponuda ponuđača „BBM-VAREŠ“ d.o.o. Vareš je ocijenjena kao neprihvatljiva, te se u postupku nabavke neće primjeniti preferencijalni tretman domaćeg.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponudac najbolje ocijenjen zbog:

Najniže cijene, kako slijedi:

Naziv / ime ponuđača		Ukupno ponuđena cijena bez PDV-a
1.	„TRGOŠPED“ d.o.o. Kakanj	789.998,65 KM

Izabrani ponudac je izabran primjenjujući kriterij najniže cijene, koja je ponuđena u iznosu od 789.998,65 KM bez PDV-a.

Iz navedenih razloga, primjenom člana 64. stava (1) tačka b) najniža cijena Zakona o javnim nabavkama odlučeno je kao u dispozitivu.

Pouka o pravnom lijeku: Protiv ove odluke može se izjaviti žalba JP Elektroprivreda BiH d.d.-Sarajevo Zavisnog društva Rudnika mrkog uglja "Kakanj" d.o.o. Kakanj, najkasnije u roku od 10 (deset) dana od dana prijema ove odluke.



Direktor Društva

mr.sci. Kasim Alajbegović, dipl.ing.maš.

Dostavljeno:

1x Direktor Društva

1x Učesnici u postupku javne nabavke

1x a/a